

# 100 Johr Schualhuus Rhäzüns

Liabs **Schualhus** hüt stohsch du **voll** im Mittelpunkt,  
als **Gschenk** singend miar as Liad für di.  
**Wenn** du reda könntisch wia wür **üs** das wunderneh,  
dia Gschichta vo gross und klii.

*Ref.*


*Sit 100 Jahr schu, stohsch **du** do zmitzt im Dorf,  
a **ganz** a hufa Kind sind i und us!  
**Gmeinsam** hämmer glernt, händ **dir** viel Leba geh,  
mir **hoffend** uf a **huufa** Jöhrli meh.*



Dr Gmeindsaal isch **amol** – a Turnhalla gsi,  
dia erschti wo's in üs-rem Dorf hät geh.  
Für ds **Turna** bruchts scho **bald** - viel meh Platz,  
drum **häts** denn dia **Zwüschalösig** geh.

*Ref.*

*Sit 100 Jahr schu, stohsch **du** do zmitzt im Dorf,  
a **ganz** a hufa Kind sind i und us!  
**Gmeinsam** hämmer glernt, händ **dir** viel Leba geh,  
mir **hoffend** uf a **huufa** Jöhrli meh.*



Am Obig züchen d'Verein ins Schualhu-us i,  
mit Turna, Singa, Tanza sinds dabii.  
As **paarmol** im Jahr ladents **alli** zu diar i,  
zum gmeinsam und au gmütlich zemma sii.

*Ref.*

*Sit 100 Jahr schu, stohsch **du** do zmitzt im Dorf,  
a **ganz** a hufa Kind sind i und us!  
**Gmeinsam** hämmer glernt, händ **dir** viel Leba geh,  
mir **hoffend** uf a **huufa** Jöhrli meh.*

**Chef** uf em Platz häts nur **ein** rechta geh,  
z overscht untrem Dach - hät er gwohnt,  
mim Besa in der Hand hät **ma** dr Abwart gseh,  
an Regla halta hät sich also glohnt.

*Ref.*

*Sit **100** Jahr schu, stohsch **du** do zmitzt im Dorf,  
a **ganz** a hufa Kind sind i und us!  
**Gmeinsam** hämmer glernt, händ **dir** viel Leba geh,  
mir **hoffend** uf a **huufa** Jöhrli meh.*

Au d'Ordensschwösch't'ra **händ** - unt'rem **Dach** doba gwohnt,  
Joana, Gaudenzia und Armaaata.  
Jeda Tag händ sie - üsi Schualglocka gschwunga,  
zum pünktlich in da Unterricht – **staaarta**.

*Ref.*

*Sit **100** Jahr schu, stohsch **du** do zmitzt im Dorf,  
a **ganz** a hufa Kind sind i und us!  
**Gmeinsam** hämmer glernt, händ **dir** viel Leba geh,  
mir **hoffend** uf a **huufa** Jöhrli meh.*

Zu **dier** sind nid **numma** Primarkinder kho,  
au Oberstüfler häsch du gern ufgnoh.  
Vu **do** und Bonaduz - sinds **zämma** in d Klass,  
schu dazumal an Rie – sa – spass.

*Ref.*

*Sit **100** Jahr schu, stohsch **du** do zmitzt im Dorf,  
a **ganz** a hufa Kind sind i und us!  
**Gmeinsam** hämmer glernt, händ **dir** viel Leba geh,  
mir **hoffend** uf a **huufa** Jöhrli meh.*